

Populaziun residenta permanenta ils 31 da december 2011 tenor regiuns.

FUNTAUNA: UST (STATPOP 2011)

Dapli persunas estras e dapli naschientschas

Ord la statistica uffiziala dal chantun Grischun

■ (cc) Per la fin da l'onn 2011 aveva il chantun Grischun ina populaziun residenta permanenta da 193 388 persunas, 767 dapli che l'onn avant. La leva creschientscha è d'attribuir exclusivamain a l'augment da la populaziun residenta estra. Ultra da quai po il Grischun registrar per l'emprima giada dapi 7 onns puspè in saldo positiv da las naschientschas.

La populaziun residenta svizra stagnescha, il dumber da persunas estras crescha

La populaziun residenta permanenta dal Grischun è creschida l'onn passà per 0,4% sin 193 388 persunas. La rata da creschientscha correspunda exactamain al nivel da l'onn precedent e circa a la media dals ultims onns. En Svizra è la populaziun sa sviluppada en moda pli dinamica er l'onn 2011 (creschientscha da var 1,1%).

Entant che la populaziun residenta svizra è puspè stagnada l'onn passà en il Grischun è il dumber da persunas da naziunalitad estra creschì per 2,4% sin 32 884 persunas. Quai correspunda ad ina quota da persunas estras da 17,0% (Svizra: 22,8%).

La quota la pli gronda da la populaziun estra en il Grischun han da nov ils Portugais (24,7%) che han stuschà sin piazza dus la grupp dals Tudestgs ch'è creschida mo levamain. Alura suondan, sco ils onns precedents, las grup-

pas dals Talians, dals Serbs e dals Austriacs.

Differenzas regionalas pli grondas oravant tut en la cumparegliazion da plirs onns

Il svilup da la populaziun entaifer il Grischun n'è betg regular: la creschientscha da la populaziun la pli gronda hai dà l'onn 2011 en las regiuns da la Mesolcina (+1,9%) e dal Puschlav (+1,6%) sco er da l'Engiadina'Ota (+1,1%). Las perditas procentualas las pli grondas han subì la Val Müstair (-2,5%) sco er las regiuns da la Bregaglia (-1,1%) e dal Grischun central (-0,8%).

Contemplà sur ina perioda pli lunga è la populaziun dal Grischun creschida dapi l'onn 2001 per tut en tut 4,4% (Svizra: 9,6%). En la part dal nord dal Grischun, en l'Engiadina'Ota e Bassa sco er en la Mesolcina è vegnids registrads ils augments ils pli gronds, entant che la mesadad da las regiuns ha subì perditas tar la populaziun.

Adina dapli Grischunas e Grischuns vivan en vischnancas pli grondas

57,3% da tut las vischnancas grischunas avevan l'onn 2011 main che 500 abitantas ed abitants; en questas vischnancas pitschnas vivan tut en tut però mo pli 11,4% da la populaziun residenta permanenta. Il process da concentrasiun sin las vischnancas pli grondas cuntinue-

FUNTAUNA: UST (STATPOP 2011)

Dapli naschientschas che mortoris


L'onn 2011 ha il dumber da naschientschas d'uffants vivs en il Grischun (1724) surpassà per l'emprima giada dapi 7 onns puspè il dumber da mortoris (1614), e quai gist cleramain. Sco consequenza dal svilup general da la populaziun ed en spezial da l'immigraziun creschenta chatta il lev trend da dapli naschientschas sia cuntinuaziun er en il Grischun, schebain sin in nivel pli tgunsch modest cumpareglia cun ils auters chantuns da la Svizra.

Mintga 5avel uffant che nascha en il Grischun ha ina naziunalitad estra, entant che la quota da persunas estras tar ils mortoris sa chatta tar bass 6,5% – l'immigraziun pli ferma dals ultims onns procura per ina regiuvinaziun demografica da la societad.

La quota da naschientschas ordaifer ina lètg sa chatta cun var 19% en il rom da l'onn precedent. Durant ils ultims 10 onns è questa quota tuttina quasi sa redubladada, sa chatta però, sco en tut la Svizra, anc adina cleramain sut la media da l'Uniun europeica (2010: 37%).

Plinavant è vegnids serradas l'onn passà 1018 lètg e vegnids inscrits 6 partenadis registrads.

Resultats detagliads da la statistica da la populaziun stattan a disposiziun sin la pagina d'internet da l'uffiz per economia e turissem sut www.awt.gr.ch/statistik



Midada da la populaziun residenta permanenta tenor regiuns, 2001–2011

FUNTAUNA: UST (ESPOP 2001/STATPOP 2011)